

Sigurður Harðarson
Fögrubrekku 41
200 Kópavogur

Reykjavík, 23. janúar 2020
UST202001-350/H.H.
09.07.01

Efni: Umsókn um fararleyfi í Eldey

Umhverfisstofnun hefur móttengið umsókn Sigurðar Harðarsonar, dagsett 20. janúar 2020, um fararleyfi til Eldeyjar.

Eldey er friðlýst sbr. auglýsing nr. 119/1974 í Stjórnartíðindum. Óheimilt er að fara í eyna án leyfis Umhverfisstofnunar.

Lýsing verkefnis:

Til stendur að fara í Eldey og laga vefmyndavél sem staðsett er í eyjunni. Áætlað er að fara með þyrlu Landhelgisgæslunar í lok janúar, byrjun febrúar eða á meðan enginn fugl er í eyjunni. Í leiðangrinum verða 3 manns.

Áhrifamat:

Umhverfisstofnun metur verkefnið hafa jákvæð áhrif á verndargildi svæðis. Viðhald á vefmyndavél verður sinnt eftir óveður síðustu vikurnar. Með vefmyndavél fást verðmætar upplýsingar um súlubyggðina á eyjunni. Eldey er ein stærsta súlubyggð í heimi. Ef allt gengur eftir áætlun verður viðgerð hinsvegar yfirstaðin nokkru áður en súlurnar snúa aftur í eyjuna eftir veturinn. Súla er skilgreind sem tegund í nokkurri hættu samkvæmt Náttúrufræðistofnun Íslands.

Skilyrði:

Umhverfisstofnun veitir fyrir sitt leyti fararleyfi fyrir Sigurð Harðarson og tvo aðstoðarmenn til Eldeyjar að uppfylltum eftirfarandi skilyrðum:

- Hafa skal þetta bréf með í för á meðan verkefninu stendur og kynna fyrir starfsfólki þau skilyrði sem fylgja leyfinu, áður en undirbúningur og vinna hefst.
- Tilkynna skal til starfsmanns Umhverfisstofnunar á svæðinu hvenær undirbúningur fyrir verkefnið hefst og þegar því lýkur með að minnsta kosti sólarhrings fyrirvara.
- Umhverfisstofnun skal tilkynnt um öll frávik við áður útgefna verkefnalýsingu, og eins ef breyting verður á tímasetningu verkefnis eins fljótt og auðið er.
- Starfsmenn verkefnisins gangi snyrtilega um svæðið og forðist allt rask og þess gætt að allt rusl verði fjarlæggt.
- Kynna skal fyrir leiðangursmönnum þau skilyrði sem fylgja leyfinu áður en undirbúningur og vinna hefst.

- Takmarka skal þann tíma sem dvalið er í eyjunni eftir því sem kostur er.
- Óheimilt er að trufla dýralíf. Ef fugl er sestur upp í eyjunni þegar að er komið skal hætt við ferðina og reynt aftur síðar.
- Ef upp koma álitamál um framkvæmdir sem tengjast verkefninu og frágang svæðisins skal hafa samband við Umhverfisstofnun í síma 591-2000.

Ef framkvæmdaraðili veldur náttúruspjöllum með framkvæmd í skilningi 87. gr. laga nr. 60/2013 um náttúruvernd getur Umhverfisstofnun t.d. lagt fyrir framkvæmdaraðila að afmá jarðrask og lagfæra gróðurskemmdir eða stöðvað framkvæmdir sbr. nánar XV. kafla laganna.

Ef umhverfisaðstæður á svæðinu breytast getur Umhverfisstofnun skv. 2. mgr. 89. gr. laga nr. 60/2013 um náttúruvernd breytt skilyrðum leyfis, bætt inn nýjum skilyrðum eða afturkallað leyfið til að koma í veg fyrir verulegt, ófyrirséð tjón á náttúru Íslands.

Sé skilyrðum leyfis ekki fullnægt getur Umhverfisstofnun afturkallað leyfið skv. 1. mgr. 89. gr. laga nr. 60/2013 um náttúruvernd.

Eftirlit:

Umhverfisstofnun mun hafa eftirlit með framkvæmdum og frágangi á svæðinu. Eftirlitið verður framkvæmt af eftirlitsmanni frá Umhverfisstofnun.

Virðingarfyllst

Hildur Hafbergsdóttir

Hildur Hafbergsdóttir
sérfræðingur

Daníel Freyr Jónsson

Daníel Freyr Jónsson
sérfræðingur